

咸豐縣志卷四

財賦志

戶口

古者力役之征準諸民數漢口算晉戶調所由制也明嘉靖奏行條編法張江陵執政始力行之其會稽錄合戶口田賦為一事前清順治十三年定賦役全書分上中下三則又有水鄉山鄉二則雍正七年湖廣總督邁柱奏准丁隨糧派之法施屬山鄉地多下則故自乾隆以後徵輸之數供支給者僅十一焉雖曰入不敷出亦以邊鄙門戶所關不能不通籌而酌劑也咸豐自未設縣以來戶口之多寡頗難詳悉然考隋書以下自唐迄元其屬在本郡者

咸豐縣志

卷四

財賦志

戶口

四十五

莫不代有增加明鼎既遷施旋歸流郡志載府屬戶口原數共二萬七千七百一十八戶原額隨糧及改土案內勘出人丁並歷屆編審滋生人丁土著不成丁男女大小共十一萬七千四百三十丁口道光十二年奉文編查保甲清理戶口共十一萬八千七百九十五戶九十萬二千一百二十三丁口是此九十八年內戶口增加至九倍之多洎同治初年編查民數共十八萬六百八十五戶一百零七萬八千八百三十八丁口是此三十餘年內戶口又增十之二準此以為比例則咸豐縣之戶口其歲有增加也必矣又縣志載初次編查闔縣舊管新收民數一萬八千零七十四戶編審隨糧原額由改土案內勘出人丁暨滋生人丁土著不成丁

男女大小共九萬一千三百四十五丁口雖不詳編查年分然大致在道光中年同治四年編查闔邑新收民數一萬八千三百八十四戶共計男女大小十萬一千七百六十一丁口約計三十年內雖屢遭兵燹戶口亦增加至一分有餘惟續府志載光緒六年咸豐查報戶口與同治四年無一增減然猶照舊抄錄虛應故事也至光緒三十三年奉文清查戶口開辦選舉孫令星煜以妨己權利秘不宣播捏報全縣戶口異常減少大受駁斥嗣後縣官委紳調查仍未詳確總之咸邑自同光以來四川彭黔移住之民源源不絕且土地墾闢亦有加無已試就已往增加之率為比例全縣實在丁口約在十六七萬左右也

咸豐縣志

卷四

物產

田賦

四十六

田賦

咸邑田賦舊府志載自設縣後陸續開墾陞科至同治初年統計縣屬八里人口田地及帶墾隨征丁銀共銀三百四十五兩六錢二分二釐又除荒蕪田地銀二兩六錢七分一釐外實徵起運充餉銀三百四十三兩三錢五分一釐隨征加一一火耗銀三十五兩七錢二分二釐二共征銀三百六十九兩七分三釐秋糧並未加耗外有正西接壤黔江縣之幫里田地所征之稅每年協解黔江縣庫平銀七十兩之譜按縣屬口糧雖較來鳳為重而歸流後田土開墾代有增加考舊制自乾隆以後從米陞科同治初且有稟報荒蕪減征者意其時必因三次兵燹田地輻輳官吏不得已

遂報短解且查現在民戶完納地丁甚多不均之處此非從實丈量田畝不足以期核實而昭公允至以本縣人民完納之稅銀無故解歸他省他縣尤為不協公理輿情當此改革更新時代是在本地官民明以斷之堅以持之毋致再蹈前此之陋習也

按本縣係由大田所改設前明二百餘年所官軍糧半由西陽黔江按年協濟自前清初年西黔互訟黔人遂由歸地而漸免濟所軍糧又未幾因改土歸流西境多故黔邑駐有重兵並強吾邑民協解銀兩以為報酬今值民國初建公道大伸既無野蠻政府以抑制而左右之吾民從此庶可息肩而咸黔兩邑唇齒之邦亦永消猜忌而益敦和好矣

物產

郡志載明史巡撫劉懋條議言施州延袤頗廣物產最饒唐宋地理志所載施屬貢品按之現今土產又不盡同試就現時經見之產臚列於左

穀屬俱有種田者以水稻為正糧稻穀有各種其通行者一曰秈土人呼為黏穀曰白腳黏曰大小貴陽黏種者最多曰麻黏曰百早黏熱較早而子粒稀少曰馬尾黏最遲收而實較壯又有托黏青黏沙黏等皆可相土宜種之白腳黏熟期得中殼薄多米種者尤多一曰秫土人呼為糯穀有寸穀糯矮子糯之別寸穀糯顆粒長收數較遜種矮子糯者頗多又有哆口糯半邊黏種者較少包

穀本草名玉蜀黍高下皆宜惟平原所產房實較大山坡所產房實皆小至收成之關係則包穀常佔十之六稻穀祇佔十之四麥亦有數種通行者以紅麥三月黃為最多紅麥卽麵麥每年皆宜惟熟稍遲有碍正糧不便多種三月黃荒年最宜可療飢並可釀酒然不宜多種以其味淡而值賤也菽豆種田畔及包穀土中向年出產頗豐近因農政不修出產較少梁黍亦有出產以不逮包穀之多收種者無幾豌豆處處皆有惟種者無多僅供蔬菜之用薯有數種紅薯味甚甘山地多種之清明下種芒種後剪藤栽之霜降後收掘窖藏之可作來年數月之糧又有白薯俗呼腳板薯蓋山藥之類馬鈴薯一名洋芋亦有紅白二種正月種四五月收

咸豐縣志

卷四 物產

四十八

貧民倚為救飢之用間有用佐蔬菜者味較淡  
油菜苗可食熟時其子粒可榨出油此惟丁寨一帶盛行之近因禁種罌粟惟此與麥聊作抵制忠堡產藍靛草菸處處產之惟少輸出者綿麻亦可種近尚未諳培壅之法蕨苗山中最多可食掘根澄粉可以備荒然必間三五年乃可掘取  
蔬屬俱有白菜蘿蔔青菜俱多胡蘿蔔味最佳勝於他處瓜屬俱有王瓜南瓜苦瓜冬瓜縣瓜最多苦瓜盛夏食之最有益絞瓜筍瓜味亦佳洋合一名襄荷其根葉似薑其味略似藟頭芋頭有水旱二種根與莖皆可食旱芋山地可種水芋水田種之土人以之作蔬磨芋一名蒟蒻可磨作漿凝如豆腐土人呼為磨芋豆腐作

時須不語語卽不成村婦俗傳固如是又有藕薑葱蒜茱豇豆筋豆花椒黃花香菌胡麻等產地蠶一名地牯牛鹽漬之可作蔬又有水田所產之高筍葉似蒼蒲莖可作蔬筍屬春有南竹荆竹水竹等筍秋有慈竹筍皆可作蔬南竹冬生者為冬筍其味最美

菓屬俱有桃李栗梨棗否花紅最多胡桃楊崗梨最稱佳品

木屬以松杉椿柏檜樟橡桐梓榆楊柳為最易培植楠木有二種曰花楠曰香楠其脈理多現山水花草等紋土人呼為影木又曰瘿木以枝柯拳曲處尤多花紋也用作桌几屏風拜匣等具最可玩陰沈木須掘土得之土人云其木為棺入土則日重千年後陷

咸豐縣志

卷四 物產

四十九

入土可數十丈檣木性堅直可以扛輿

有用植物如茶漆桑桐子楸子椴子吳萸子凍綠皮皆為本地天然出產茶樹有二種其種自園圃者採其葉可作茗有雨前茶火前茶之名皆稱佳品其種自山林者冬季摘實可榨出油味較菜油罌粟油尤香美漆梃現為土產大宗餘尚未甚發建

竹屬有十二種曰荆竹斑竹南竹水竹慈竹苦竹紫竹鳳尾竹茨竹冷竹羅漢竹化竹前六種皆家常應用品荆竹斑竹南竹用處尤多

花之蕃生數百種蘭桂菊蓮紫荆牡丹尤為常見之品菊花有酷愛之培至百餘種者植物之多此可概見

藥屬如木瓜大黃桑寄生黨參山芪苦參黃連五加皮何首烏厚  
樸黃精半夏夏枯草金銀花牛膝麝香桑椹麥門冬薏苡仁吳萸  
荊芥杜仲土茯苓蜂露房薄荷天麻白芨骨碎補夜明砂防風白  
合望月砂車前子葳蕤紫蘇香附子獨活硃砂青蒿天花粉地骨  
皮木通皂莢覆盆子木別子通草紫草南星益母草土龍骨枸杞  
遠志金英子白菊花大棗天精土茴香白蘚皮川烏常山葛花沙  
參川練子葳靈仙香菇前胡紅胡穀精草大茴香枳殼葛根枳實  
赤芍藥兔絲子桃仁杏仁李仁棗仁千里光天門冬松節蘇子蒙  
花石蒼蒲蒼耳子槐角鉤藤旱連草白茅根神曲麥芽續斷天泡  
子側柏葉青皮水銀茜草瓜蒌仁柏子仁竹油艾皆藥室應用之

品其他草本木本以及園圃箐林隨地掇拾多成妙劑又舊府志  
石合草其苗繞樹作藤能治瘡腫金陵草有葉無花可療筋骨疼  
龍牙草株高二尺春夏採之治赤白痢金星草治發背皆本地特  
產蜂蜜出產亦多最妙合藥然惟山居農家畜之故輸出者絕少  
禽之孳育亦數百種除家畜雞鴨鵝外鳧鵠鷓鴣味至美人或用  
以作饘雉錦雞毛羽皆有用鳥類有大者漁人豢以捕魚竹雞鳴  
則呼泥滑滑居竹林多斑文據土人云畜之可制白蟻鳴三十六  
聲者佳又鴉鳴鵲噪農人每以占吉凶鸚鵡八哥圓其舌可教為  
簡單語言吐壽雞土鶯歌畫眉等有籠以出售遠方者今惟畫眉  
八哥玩者尤多其餘簷際麻雀以及山間啾嘈無用小鳥種類尤

繁

獸屬馬牛羊犬豕駱最多牛有二種水牛大宜水田值稍貴黃牛小宜高原稍賤近因其皮行銷工廠其大者價幾與水牛埒駱驪父馬母其種多傳自外來者野獸如虎豹豺狐狸獼猴獾鹿麀山羊獺白面狸野豬茨豬兔貂鼠馬彪等麕白面狸味最美土人號為山珍十年前西南山中虎患特甚豺狗之患不時發見本年近城一帶傷人頗多鱗屬有鯉鱔鰻魴細鱗把崖白甲娃娃等魚鯉與細鱗最多味亦最美以石河產較泥河產尤清芬也介屬以螿蚌螺螯為多餘不常見

咸豐縣志

卷四 物產

五十一

土貨有白齡草紙皮紙本炭牛毛毯等然皆家常應用非輸出品之大宗

礦產惟石灰煤炭任人開採不加限制石灰各地皆有煤炭平陽里最多樂鄉里次之舊志載乾隆五十年總督特成額巡撫吳坦以湖北各營及銀匠舖需用銷觔向係購自河南湖南兩省特就長楊來鳳咸豐三縣奏明開採嗣後又額定府屬六縣歲辦硝各二千觔以正月起限定四個月內解繳省局掣批賣府核驗逾限短少承辦縣官議處咸豐額辦硝二千觔領工料腳價銀一百零二兩後又奉派辦砲硝一百四十八觔二兩二錢領工料腳價銀七兩六錢三分仍於原開之黑崑山羊崑兩處刨挖其實本縣石

尙處處均產硝近年採辦者多產額亦漸減少老屋深邃者地板下亦產硝但不甚佳鐵鑛近百年來採辦者多製成鋼鐵除本縣自用外輸出鄰縣者亦復不少銅鑛惟銅廠溝袁家溝羊蹄蓋張家坪等處曾經發洩據土人云苗皆最旺小界坪出水銀硃砂四十年前有人開辦惜未暢旺龍潭司梅子坪陰家溝出大理文石可作屏硯圖章雞公嶺碗廠銷路亦廣食鹽現無出產然樂鄉里之鹹井溝鹽井均永豐里之鹹池時有鹹水湧出西北邊境龍嘴河西南邊境白家河亦有鹹水出見將來或可設法開鑿煮鹽以挽回外溢之利權云

雜稅

咸豐縣志

卷四 物產

雜稅

五十二

田房稅向無定額儘收儘解然以往官吏率藉此為津潤之資約計全縣每年田房契價至多不逾五六萬緡少亦可登二三萬緡綿花牙行一名每年完納稅銀五錢鹽牙行向在清水塘布牙行向在城外西街同治初年均已繳銷鐵廠因本省例無礦稅概係土人自行開採官府給以破銑廢鐵鎔鑄鍋鑊字樣收取規費年納二百餘串近五年前因開辦學堂警察合全縣三十餘場共收斗市肉釐豬牛布鹽雜捐錢年共二千餘串漆捐曾託恩施代辦年收錢三百串黑崗茶釐無定數至多亦約二百串又額行四川彭水縣陸路鹽引三百七十二張清水塘以北至利川一帶又常有四川石鹽入境向例因萬縣鹽局年致本縣地方文武官津貼

銀一千餘兩故本縣於食鹽落地均未重抽稅釐

### 領款

府縣舊志載由縣按年請領之款文廟春秋祭祀銀四十兩崇聖祠春秋祭祀銀七兩名宦鄉賢春秋祭祀銀七兩文昌宮武廟春秋祭銀各三十五兩七錢四分六釐山川壇春秋祭祀銀十兩先農壇銀五兩常雩祭銀五兩霜降祭銀二兩香燭米折銀一兩五分邑厲壇祭銀十兩米折銀一兩二錢二分 各官廉俸知縣俸銀四十五兩養廉銀八百兩役一百二十名共工銀六百六十兩訓導俸銀四十兩齋馬銀十八兩門斗名半工役銀十兩零八錢巡檢俸銀三十一兩五錢二分養廉銀七十五兩役二十名共工

### 咸豐縣志

#### 卷四

領款

五十三

銀一百二十兩器械銀八兩典史俸銀三十一兩五錢二分養廉銀七十五兩役二十名共工銀一百二十兩器械銀八兩鄉飲銀六兩又額養孤貧八名共銀二十兩一錢六分歸奏銷案内光緒三十三年總督張之洞以邊缺瘠苦年加知縣津貼銀四千兩由省給發以資辦公按施屬瘠苦宣咸尤甚而近年津貼之款咸較多於宣千兩蓋施郡當川湘二省邊要之衝恩宣利建僅當一面惟來咸兩邑界連川湘並與黔境逼近緝捕盜犯更為繁難咸豐地面寥廓瘠苦視來鳳尤過之云

### 蠲卹

咸豐稅額簡少而以地瘠民貧又當川黔門戶朝廷欲紓西顧之

憂不能不格外加惠以通民隱而廣招徠舊府縣志載乾隆三年正月定施南賦額奉旨乾隆二年未完秋糧一併豁免嘉慶元年正月奉旨前此恩詔普免案内先儘乾隆六十年被水勘不成災等州縣暨施南府屬六縣作為首次於是年蠲免七月蠲免施南府屬六縣應徵各款正項及耗羨各課錢糧又奉旨恩施來鳳咸豐利川建始宣恩等縣應彙同被水等州縣共四十三州縣以嘉慶丙辰至戊午年共蠲免三次八年正月奉恩詔恩施宣恩來鳳咸豐建始等縣被賊滋擾地丁錢糧全行蠲免光緒庚寅年施屬歉荒特甚咸豐丁寨一帶益以水災奇變總督張之洞奏撥銀十餘萬兩派員赴施賑濟咸亦與焉本年鄂軍政府通飭民國初建

所有以往民欠錢糧概行豁免至去年下季錢糧已經完納者又經臨時縣議事會公決著於本年上忙應納數內減半征收以示體恤